

Ponteareas, 27 de maio de 2021

**REUNIDOS**

Dunha parte, dona MARÍA CRISTINA FERNÁNDEZ DAVILA, con DNI 36082682Y, alcaldesa, quen comparece en nome e representación do Concello.

Doutra, don ROGELIO GROBA GROBA, con DNI 35356690D, en calidade de presidente da Fundación Rogelio Groba (en diante, "A Fundación"), con CIF G36433712, e domicilio na rúa Rogelio Groba Groba, 3, de Ponteareas, actuando en nome e representación legal desta.

Recoñécense mutuamente capacidade legal para a representatividade das devanditas institucións e asinan o presente convenio, para o que

**MANIFESTAN**

1. Que a Fundación Rogelio Groba mantén a súa sede social na localidade de Ponteareas e que desenvolve iniciativas e actividades relacionadas cos seus fins fundacionais, nomeadamente de difusión da música clásica galega e universal e de promoción do patrimonio do compositor Rogelio Groba Groba.

2. Que o Concello posúe unha longa tradición musical e entende, ademais, que a música constitúe unha das principais expresións artísticas; no seu afán de promover o desenvolvemento cultural da veciñanza, é por este motivo polo que pretende apoiar e promover o estudo, investigación e divulgación da obra do compositor Rogelio Groba, polo que está interesado en que esta situación se manteña por mor dos beneficios, principalmente sociais e culturais, que iso representa para a localidade e, ademais, está interesado en garantir a supervivencia da fundación.

3. Que o Concello está disposto a colaborar no financiamento da fundación mentres esta manteña a súa sede e actividades no concello de Ponteareas. E que, en orde a colaborar activamente coa Fundación no cumprimento dos fins que lle son propios, entende oportuna a subscripción do presente CONVENIO DE COLABORACIÓN, que se rexerá polas seguintes



## CLÁUSULAS

**PRIMEIRA.** O obxecto do presente convenio é establecer os termos da colaboración entre as partes.

**SEGUNDA.** O Concello, en apoio do funcionamento da Fundación, e dadas as actuais circunstancias económicas e debido ás dificultades para captar recursos, contribuirá ao seu mantemento durante o ano 2021 coa achega de 5.000 euros para axudar a cubrir os gastos correntes vinculados co funcionamento da Fundación e coas actividades que realicen.

**TERCEIRA.** En calidade do seu representante, o Concello designará un interlocutor para o seguimento da execución do presente convenio.

**CUARTA.** O pago da achega económica que o Concello compromete a través do presente convenio farase efectiva na c/c número ES970800517453040009052 e realizarase do seguinte xeito:

-O pago anticipado do 80%, tal como se acordou na Xunta de Goberno Local da contía do convenio, 4000€, mediante transferencia para así facilitar o normal desenvolvemento da Fundación. Este pago realizarase unha vez presentada a documentación necesaria para a concesión da subvención mediante Decreto.

Para poder facer este pagamento anticipado ou prepago, a Xunta de Goberno, na sesión do 26 de abril de 2021, autorizou mediante proposta do concelleiro delegado de Cultura, como subvención prepagábel, na que se fixo constar o reflectido no apartado V punto V.2 da base 45 das Bases de execución do orzamento municipal.

-O pago do 20% restante, 1000€, que terá carácter de liquidación da subvención, unha vez presentada a conta xustificativa con facturas orixinais, acompañadas dos xustificantes bancarios de gasto do presente ano 2021, xunto cunha declaración doutras axudas percibidas para a mesma finalidade. A data límite para presentar a



conta xustificativa é o 15/10/2021. Tras a súa comprobación, será ingresado polo Concello de Ponteareas na conta ES970800517453040009052, sempre e cando a xustificación este completa e correcta; en caso contrario, procederase ao reintegro da subvención concedida.

Así mesmo, incorporaranse os xustificantes para o pago, un informe emitido polo/a responsable municipal de seguimento do convenio, designado conforme á cláusula anterior, acreditativo do cumprimento do seu obxecto.

Esta subvención á Fundación Rogelio Groba será compatíbel con calquera outra subvención ou axuda para as mesmas finalidades procedente de calquera outra administración ou de entes públicos ou privados, nacionais, da Unión Europea ou de organismos internacionais. Deberá acreditarse por parte da Fundación se existen ou non axudas ou ingresos que financien a mesma actividade e, en caso de existir, acreditación da insuficiencia destes para facer fronte á totalidade do orzamento da actividade.

Atendendo á finalidade do presente convenio, e ao ser a Fundación unha entidade de carácter social, sen ánimo de lucro, exímeselle á dita entidade da presentación de garantías e avais para a percepción do pagamento anticipado.

**QUINTA.** A execución do presente convenio farase con cargo á aplicación orzamentaria 33000 / 48015 / 01 do orzamento municipal para o presente ano 2021.

**SEXTA.** O Concello resérvase o dereito a fiscalizar o cumprimento por parte da Fundación Rogelio Groba das obrigas que lle incumben en base ao presente convenio, así como a interpretar unilateralmente calquera dúbida que puidese xurdir verbo da súa literalidade.

O Concello de Ponteareas inhíbese de calquera responsabilidade penal, laboral ou administrativa, tanto directa como subsidiaria, debida a actos ou contratos que a Fundación Groba realice con terceiros.

**SÉTIMA.** Publicidade do convenio

En cumprimento do disposto no artigos 18 e 20.8 da Lei 38/2003, do 17 de novembro, xeral de subvencións (LXS) comunicaráselle a subscripción deste convenio á Base de Datos Nacional de Subvencións (BDNS) que opera como sistema nacional de publicidade de subvencións.



Segundo o artigo 17 da Lei 1/2016, do 18 de xaneiro, ademais da información que debe facerse pública segundo a normativa básica en materia de transparencia, o Concello de Ponteareas publicará o texto íntegro do convenio no portal de transparencia.

Así mesmo, estarase ao disposto no artigo 15 da Lei 1/2016, do 18 de xaneiro, de transparencia e bo goberno, sobre as obrigas específicas de información sobre convenios.

O que asinan os comparecentes, por duplicado e para un só efecto, no lugar e data indicados *ut supra*.

**Polo Concello de Ponteareas**

**Pola Fundación Rogelio  
Groba**

D.<sup>a</sup> María Cristina Fernández Davila  
Alcaldesa

D. Rogelio Groba Groba

